

九僧詩目錄

劍南希畫十八首

金華保暹二十五首

南越文兆十三首

天台行肇十六首

沃州簡長十七首

青城惟鳳十三首

淮南惠崇十一首

江東宇昭十二首

續添一首

峨嵋懷古九首

右九僧詩共一百三十四首又續添一首



九僧詩

希畫十八首

寄題武當郡守吏隱亭

郡亭傳吏隱閑自使君心
卷幕知來客懸燈見
宿禽茶煙逢石斷棋響入花深
會逐南帆變乘
秋寄此吟

送信南歸雁蕩山

千峯郵積水秋勢遠相依
路在深雲裏人思絕
頂歸長天來月正危
木度猿稀誰得同無念寥

：掩此扉

懷廣南轉運陳學士狀元

極望隨南斗迢々思欲迷春生桂嶺外人在海
門西殘日依山盡長天向水低遙知仙館夢夜
々怯猿啼

書惠崇師房

詩名在四方獨此寄閑房故國一作寒濤潤春
城夜夢長禽聲沉遠木花影動回廊幾為分題
客殷勤掃石床

斷碑

片玉侵寒析零文見斷蟲遠沉岡草際半露塹
水中跡著人何在年銷事已空唯聞壞陵柏相
吊起悲風

寄懷古

見說鷓鴣陰僻人煙半雜羌秋深邊日短風勁曉
笳長樹勢分孤壘河流出遠荒遙知林下客吟
苦夜禪忘

留題承百宋侍郎林亭

翰苑營嘉致到來山意深會茶多野客啼竹半
沙禽雪溜懸危石棋灯射遠林言詩素非苦虛
答侍臣心

送嗣端東歸

遠念生泉石人中事欲銷卷衣城木落尋寺海
山遙帆影迷寒雁經聲隱暮潮後期俱未定况
我鬢先凋

寄河陽察推駱員外

郡齋鄰少室夏木冷垂陰况是多閑日應懸長

卧心角當中島起墻背遠橋沉獨愛南樓月終
期宿此吟

送惟鳳之終南山

關內寒生早南山萬木凋長空人望絕積雪獨
尋遙靜息非同隱閑吟忽背樵幾侵峯絕月相
念起中宵

寄壽春使君陳學士

三處波濤郡連年輟謝公春齋山葉徧夜舶海
書通樓閣星河露川寒鼓角風誰當刊惠政一

古賢同

送從律之閩中

西游無舊識何處寄吟身
客路秦關暮鄉心海樹春
河濤行不盡嶽翠望空心
早晚回孤錫東浮結近鄰

寄答桂府黃殿院

桂府在天末登高生遠思
來書逢歲闕去夢歷峯危
別浦珠全返空臺柏半衰
詩成見新月幾負郡齋期

送可倫赴廣西轉運凌使君見招

別語畏殘漏心懸瘴海邊
回期無定日去路極遙天
苦霧沉山郭寒沙漲隰田
幾宵尋使府清話廢閑眠

早春闕下寄觀公

客心長念隱早晚解書招
看月前期阻論山靜會
遙微陽生遠道殘雪下
中宵坐見青門柳依依
又結條

送李堪

要地無深託飄然又出關
秋聲動群木暮色起
千山岸草隨秋遠江雲入望閑
何宵發孤詠月冷洞庭間

送朱辰

別業滄波外秋風歸去心
玉繩天闕遠金析海城深
素瑟沉幽意寒螢共苦吟
鄰漁知有約乘月夜相尋

過巴峽

遠望知無極窮秋日向殘
孤泉瀉空白衆木倚

雲寒靜想猿啼苦危闌客過難
寸心寧可寄前去雪漫

保暹二十五首

江行

渺々沉清際
回頭望即賒
幽禽飛共闊
野客泛無涯
浦暗微分樹
灘遙半漲沙
今宵應有月
重得宿蘆花

寄從弟

天外跡如萍
何人慰遠情
煙霄滯秋薦
水國廢春耕
旅夢寒應斷
吟髭白恐生
無因話消息
一雁度江城



金陵懷古

石城秋月滿煙水令蕭々戰氣悲千古歌聲散
六朝螢飛宮草暗霜白井桐凋竟日秦淮上思
賢莫可招

秋徑

杉木青陰合閑行意有憑涼生初過雨靜極忽
歸僧蟲跡穿幽穴苔痕接斷稜翻思深隱處峯
頂下層々

宿宇昭師房

與我難忘舊多期宿此房眠雲歸未得靜夜話
空長草際沉螢影杉西露月光天明共無寐南
去水茫茫

逢次望太行山

盤影遞空黑愁生入望賒高來難客路深去斷
人家翠死寒溪水香殘別洞花今朝何處宿山
口日將斜

書惟鳳師壁

草徑通深院秋來心更閑城中無舊識門外是

他山宛寂生吟思持齋得病顏寒宵多約我靜
話出人間

石席

有狀卷不得閑齋惜夜長坐來消暑氣睡去入
秋鄉隱々生寒骨沉々發冷光何時遂深遁移
取置山房

重登文兆師水閣

重來久凭欄臨水景多閑高樹下殘照寒潮平
遠山夜吟長負宿秋病幾思間早晚離城裏從

茲寄掩關

寄徐任

鄉園書久斷寒夜起歸心遠路秦關外啼猿劍
樹深貧遊年暗改醉卧月空沉幾夕疎林下相
思廢靜吟

送簡上人之洛陽

閑身無所滯獨去背春城望越鄉心斷迎嵩隱
思生野禪依樹遠中飯傍清泉相府如投刺分
題有些卿

寄白閣元貞

一聞歸白閣更不入長安絕頂無人上西風撒
夜寒懸崖乘雪度飛瀑過雲看應念馳名者青
門得路難

老僧

鬢毛垂似雪無語答閑人擁衲坐終日浮生知
幾春乘船應夢越提錫記遊秦半夜寒堂掩磬
聲聞四鄰

登蕪城古臺

無處堪高望城邊上古臺窮秋人獨立落日雁
空回地險千峯出霜巖萬木摧遲吟不能下滿
眼是塵埃

寄行肇上人

舊隱湖西寺青々千萬峯來書度深雪歸夢斷
疎鐘開口與時避一作背論心似我慵流年共衰
鬢昨夜又聞蛩

送蔣白歸越

會稽連照水歸意兩何親山影到平地湖光生

四鄰虛窗寒對曉孤棹遠浮春未可從耕釣青
雲懶致身

書孤河徐希秀才別業

渺々渡頭路客心難解携半空山遠近寒日水
東西漾浦魚曾小飛沙雁陣低霜風起深夜只
是欠猿啼

秋居言懷

默々疎林下獨知秋氣濃半生猶是客昨夜更
聞蛩吟苦人或癖年衰自長慵終期拂衣去江

上有諸峯

早秋閑寄宇昭

窗虛枕簟明微覺早涼生深院無人語長松滴
雨聲詩來禪外得愁入靜中平遠念西林下相
思合慰情

憶松江

曾記長洲泛渺漫沉青空闊鳥飛難平沙杳々
夜潮落別浦依々秋樹寒閑漫客亭浮去棹冷
淹漁屋漾垂竿歸心早晚懸帆到是處僧樓更

上看

寄洪州新建知縣張康

遠听絃歌樂部封
放衙乘醉半疎慵
家辭南越無千里
縣管西山有幾峯
人望廢田禾影合
吏愁空獄蘚痕重
孺亭應更悲前事
煙草萋々叫夜蛩

磻溪

不肯隨波自直鉤
一朝以道佐成周
後來亦有人於此
只把漁竿空白頭

送人自闕下歸天柱

却歸天柱峯前去
高謝浮名似了心
林下孤燈一聲磬
青猿啼斷白雲深

巴江秋夕

巴水寒聲去渺茫
半空雲樹落秋光
離人此夜和愁宿
不听猿啼亦斷腸

書杭州西湖涉公堂

孤舟孤鶴與孤雲
湖上深居自不群
高卧可能容一榻
青山西岸且平分

文兆十三首

幽圃

遠與春橋接，深春積雨時。
蘭芳人未採，花發蝶先知。
草密封閑徑，林疏露短籬。
別來鋤久廢，身老恨歸遲。

江上書懷寄希晝

扁舟宿江上，脉脉興何窮。
吳楚十年客，蒹葭一夜風。
東林秋信斷，南越石房空。
向北都忘寐，君應與我同。

吊屈原呈王內翰

抱清誰可群，委質在湘濱。今日不同楚，無人更似君。
滄波沉夜魄，古廟聚寒雲。弔罷踟躕處，漁歌忍獨聞。

寄行肇上人

詩禪同所尚，邂逅在長安。為客閑相似，趨時嬾一般。
分題秋閣迥，對坐夜堂寒。未遂歸山計，流年鬢已乾。

送史館李學士任和州

事主惟公直，承恩赴歷陽。舟浮淮水遠，路遶楚山長。
館謁僧侵月，郊迎吏蹋霜。下車難久滯，飛詔即徵黃。

寄保暹師

近聞高靜趣，猶寄廣陵君。夜會听琴阻，秋期看月疎。
幾成歸越夢，久絕入梁書。四釋分題處，年來一榻虛。

巴峽聞猿

倚棹望雲際，寥々出峽清。心如無一事，愁不在

三聲帶露諸峯迴懸空片月明何人同此所徹
曉得詩成

送守昭師

相見又相別無言感倍興諸峯微下雪一路獨
行僧午飯煙村磬宵吟石屋燈他方人請住又
得繼南能

莎庭

其二從莎長淒涼雨乍晴窮愁閑客步落日亂
蛩鳴近接苔階迥遙連竹徑平杖痕兼鶴跡來

往自縱橫

送惟鳳師之終南

終南関内見寒翠疊空虛明代誰招隱深秋自
卜居宵晴吟洞月日曉飯溪蔬此後嫌名出應
無八闕書

宿西山精舍

西山乘興宿靜稱寂寥心一徑杉松老三更雨
雪深草堂僧語息雲閣磬聲沉未遂長棲此雙
峯曉待尋

送簡長師之洛

動靜非常態超然西去心水期經洛听雲約到
嵩吟齋訪煙村遠禪依竹寺深祇應風雅道相
府是知音

贈天柱山听禪老

幾年天柱居韶光外浮世禪心混沌先詩思雲
霞際山雪滌茶鐺豁泉濯祖毳富德鄙利徒貴
道輕權勢竹牖晴長開松扉夜不閉霜巖庭樹
萎雨暴龕灯翳紅葉過寒燒白頭蓬暖剌終期

為近鄰清話素相契

行肇十六首

中秋對月

暮雨過寥廓江天正青蒼
列樹無殘陰積水有異光
幽蟲鳴欲徧宿鳥驚忽翔
永夜對秋月鑑我吟清章

聽宇昭師琴

遙空雨初霽深徑禪未鳴
忽品文王琴若聽宣尼聲
月色半峯出秋光四簷清
韻斷意轉冥塵心若為情

湘江有感上王內翰

達士絃性直
佞人膠辭柔
靳尚一言巧
靈均千古愁
孤蟾魄長在
寒雲恨難收
空使湘江水
至今無濁流

送希晝之九華

忽起塵外心
跡謝人中境
雲去竹堂空
鷺下秋池靜
野宿青溪深
月在諸峯頂
日暮立長江
遙看片帆影

卧病吟

杉窗秋氣深
入夜四簷雨
枕冷夢忽醒
獨對孤燈語
流螢隱回廊
驚鴻度寒渚
空令一寸心
悠々生萬縷

送惟鳳之衡陽

重城獨隱居
世人寡相識
回塘路寂寥
深徑花狼籍
西風思忽生
南泉語還憶
遙山去意長
大江歸夢直
日暮立荒原
迢々望空碧

泛若耶溪

霽雨牽野情
孤舟遂茲賞
積水連遠空
落日垂

萬象岸迴雲獨隨山轉泉更響望之極寒源由
言放輕槩

送從律師西遊

蟄鱗伺新春望極融之歸驚禽別舊巢念遠遲
之飛吁君腹至業歲故志獨違心絃世寡聽意
鑑古亦稀出關自荷篋入秦扣誰扉埃目若忽
失風雨遠漸微拚看吐虹章冷射仙掌輝

寄終南种徵君

紫閣浮清漢高眠稱此心住溪人未識歸路鶴

知深峯晚迴寒翠猿孤發夜吟霜天復西向無
復夢山陰

送簡師南遊

古岸侵煙出揚帆拂署星層城閉海日列樹隱
沙汀潮落家遙見梅香檝暫停舊峯歸許晚長
憶隔吳青

郊居吟

靜室簾孤捲幽光墜露多徑寒杉影轉窗晚雪
聲過茗味沙泉合鑪香竹靄和遙懷起深

一作風雨

夕舊寺隔滄波

送懷古師歸蜀

山落雲陽外去程寒接巴劍水連漢直棧閣掛
空斜聽錫樵亭斧窺禪鳥立槎舊房春到晚深
徑始開花

送文兆歸廬山

劍峯雙倚漢蕩槩月中歸潮白島西出帆孤岸
際飛香連潭影直磬度雪聲微幾夕裁詩坐相
思人定稀

酬贈夢真上人

禪舍因吟往晴來坐徹宵春通三徑晚家別九
江遙巢重禽初宿窗明葉旋飄任期應未定謝
守有詩招以青社陵使君見招

送蒲奉禮之鄞江

官舍仙山裏全家去若歸江聲鼉背出帆影斗
邊飛宿館荷香接吟亭島色圍前秋賞明月况

對謝玄暉

兼簡典郡
太原史君

送文光上人西遊

高木墜殘林，閑河入遠心。
嵩遊忘楚夢，華近識秦音。
塔古懸圖認，碑荒背燒尋。
幾思興替事，獨上灞陵吟。

簡長十七首

夜感

無眠動歸心，寒燈坐將滅。
長恐浮雲生，奪我西窗月。

懷盧叔微

病起啟秋匣，素琴生塵埃。
朱絃愁零落，古意空徘徊。
子期不我至，獨上高臺。

贈峽山清倫師

褰衣汲靈水，混糝中履塵。
煙靄霽杉竹，澄凝此



心神高僧灑真雨澤彼寒草春華月寫空印清
霜肅齋身猶言振金策歸作耶溪鄰

步春謠

春景欲饒物客心獨優柔藉茲徘徊芳彊起寂
寞遊新愁來易積舊歡去難收步春不得侶不
如步高秋

送方仲荀

行客心如何借翎為君歌雨昏山未開花盡春
無多欲知貧別情義淚空滂沱

晚次江陵

楚路接江陵倦行愁問程異鄉無舊識多難定
離情落日懸秋樹寒蕪上廢城前山不可望斷
續暮猿聲

書行肇師壁

禪徑秋苔合寒窗帶雨痕心真冥自契句好與
誰論露冷蛩聲咽風微葉影翻白雲如有意終
日在前軒

寄丁學士

想極南溟外，江園草樹秋。
浮生如寄夢，幾夕是離愁。
仙館閑明月，星車背遠流。
祇應西掖吏，時復望滄洲。

李氏山莊留別

鶴氅輕冠冕，誰人不羨君。
松齋秋掩月，石竇醉眠雲。
遠壑窰煙合，寒原驛路分。
前行鞭瘦馬，餘恨暫離群。

贈郝禮丞

住近城西寺，門無俗客登。
朝回簾捲雪，吟冷硯

生水鳥影罇中過，茶煙竹際凝。
遙思來夜月，虛閣與誰凭。

感王太守見訪

行春擁隼旆，十里訪禪居。
煮茗沙泉白，調琴竹閣虛。
致君公望重，對客宦情疎。
向夕回軒冕，林僧識佩魚。

送僧南歸

漸老念鄉國，先歸獨羨君。
吳山全接漢江樹，半藏雲振錫林煙。
斷添瓶澗月，分重樓上方夜孤。

祝雪中聞

送居壽師西遊

迢遞咸秦路東風送子游
幾程看日落孤影背
河流古戍煙微歛遙峯雨
半收行吟此景應
不念滄洲

送行禪師

南國山重疊歸心向石門
寄禪依鳥道絕食過
漁村楚雪粘餅凍江沙
濺衲昏白雲深隱處枕
上海濤翻

送僧遊五臺山

五峯橫絕漢寒翠倚蒼冥
積雪無煩暑高杉礙
落星磧雲簷外見邊角
坐中聽師到衲禪夜龍
湫獨灌餅

暮春言懷寄浙東轉運黃工部

花落前林春又殘舍深
蒼薜擁柴関十年霜雪
獨為客萬里夢魂空到
山溪竹舊憐同性直嶺
雲終約伴身閑遙思謝
傅多公暇應徧留題水
石間

惟鳳十三首

與行肇師宿廬山棲賢寺

永瀑寒侵室圍爐靜話長詩心全大雅祖意會
諸方磬斷危杉月殘燈古塔霜無眠向遙夕又
約去衡陽

送史館李學士任和州

歷陽南望極岸遠石城危去夢驚潮斷行吟見
雁隨淮帆向風潤楚木落秋遲到日應閑卧公
心帝自知



答字昭師

要地無閑日吟縱肯暫過林泉歸計晚雨雪向
春多徑僻稀來客庭荒半長莎獨眠思舊約寒
夢遠煙蘿

寄登封宰韓殷丞

前秋登閣晚吟此見情雲中嶽聳當縣三年靜
對君朱衣借客典清俸買書分別後逢搖落相
思隔晉汾

送陳豕處士

草長開路微離思更依之家遠知琴在時清買
劍歸孤城回短角獨樹隔殘禪別有鄰漁約相
迎掃釣磯

寄希書

閑中吟髻改多事與心違客路逢人少家書入
闕稀秋聲落晚木夜魄透寒衣幾想休閒社他
年許共歸

留題河中柴給事望雲亭

郡閑思退隱嘉致望雲秋舊客容誰訪新詩許

我留碁窗寒日短琴幌夜灯幽青鎖無歸夢期
僧話沃洲

秋燈

耿耿銷深暗孤窗豈暫忘照回秋夢斷靜引夜
吟長病鼠驚空穴寒螢聚缺牆鄰居還共惜乃
物有餘光

寄照文館陳學士

秋深荒外客獨上望京臺遠信未封去新鴻又
見來地寒邊樹短天靜瘴雲開無限心相向南

宮卧錦才

送徐涉南歸

長安來雁急相顧話離心日落思家遠天寒歸
路深秋光生獨樹夕吹響孤砧漸入雲鄉望應
無越客吟

吊長禪師

霜鐘侵漏急相吊晚悲濃海客傳遺偈林僧寫
病容激泉流落葉定石集鳴蛩回首雲門望殘
陽下遠峯

寄兆上人

久負中條約，深秋興若何。
白雲歸望遠，黃葉意空多。
靜卧侵仙掌，微吟隔楚波。
飛書答招隱，迢遞寄煙蘿。

姑射山詩題曾山人壁

東西望朔漠，姑射獨崔嵬。
一片兩片雲，終南太華來。
根繞黃河曲，影落清渭隈。
深澗飲渴虹，邃河生秋雷。
古徑窮難盡，晴嵐撥不開。
海鵬飛上遞，邊風勁觸回。
微隱非他古，依靈有奇才。
曾生

心若何猿聲終夜哀

惠崇十一首

訪楊雲師淮上別墅

地近得頻到相携向野亭
河分岡勢斷春入燒
痕青望久人收釣吟餘鶴振翎
不愁歸路晚明月上前汀

塞上贈王太尉

飛將是嫖姚行營已近遼
河水堅度馬塞雪密
藏鷗敗虜殘棋在全軍列帳
遙傳呼更號令今夜取天驕



贈文兆

偶依京寺住誰復得相尋
獨鶴窺朝講鄰僧聽
夜琴注瓶沙井遠鳴磬雪房深
久與松蘿別空懸玉屋心

送安學士守睦州

白浪滿遙程公衙歌政聲
海帆通夜市山雨徧
春耕古意隨琴遠離愁對酒輕
三吳窺列宿知傍隼旗明

贈吳黯山人

三年不下岳衣屨古苔侵石澗
深幽步風泉得句心黃猿知日暝
青樹覺春深又向南風住時
許我尋

晚夏夜簡程至

中夕坐清簟繁星時復流扇聲
微變暑井氣忽生秋為客方經楚
思鄉欲上樓雲山殊未返相顧
兩悠悠

書林逸人壁

詩語動驚衆誰知慕隱淪
水煙常似暝林雪乍

如春薄酒懶還客好書愁借人有時行藥去忘却戴紗巾

古塞曲

邊風久不息戍鼓何鏜々五月無青草滂沱流
斷水胡兒味形勝漢騎恣凭陵出魏朔風起受
降沙壘崩樓煩已納款天意助威稜歸佩封侯
印喧然世所稱

荆中秋懷西師

秋生荆江瀆清氣日泱泱雲歸樹欲無草落山

疑長偶坐還獨謠故人在遐想夕景孤燠明暗
蟲四鄰響神會如目存安知途路廣

擬古

幽禽迎曙響佳木含春榮獨有綺窗婦耿々萬
里情塵色皓鴛幌日華鳴風箏高蓋久不返中
宵自懷貞

中夜起

初月不到曉夜色何冥々獨立秋江上風波卷
寒星

宇昭十二首

夕陽

向夕江天迥微之接水平帶帆歸極浦隨客上
荒城雲外僧看落山西鳥過明何天對幽景苒
之敗沙并

塞上贈王太尉

嫖姚立大勳萬里絕妖氛馬放降來地鷓閑戰
後雲月侵孤壘沒燒徹遠蕪分不慣惟邊客宵
茄懶欲聞

宿丁學士宅朱巖希晝不至

幽期不可見
牢落望君情
坐久詩源寂
談餘井浪平
月依寒木盡
蛩背冷燈鳴
空聽溝西寺
宵鐘出禁清

廢井

古院無僧住
荒涼樹石間
停汗寒裝缺
廢汲遠泉慳
雨漲蛙疑聚
宵晴月自還
因尋成獨感
吟逸已衰顏

送曹商之宿州兼簡駱偃

病起春城暮
行心暗結愁
全吳無舊業
半世祇羈遊
島霧沉晴樹
汀煙入夜舟
故人應老大
佐幕久淹流

寄保暹師

吟會失秋期
荒山寄病時
客髭生白早
叢木落青遲
渴矚窺莎井
陰蟲占菊籬
歸心何以見
霜月下天涯

上集賢錢侍郎

解職因求養
清名冠集賢
優遊書府裏
談笑板

與前鶴氅朝時脫山圖卧處懸江僧閑獨訪時
得話林泉

喜惟鳳師閑中回

孤錫依京寺詩愁上鬢新跡離三輔晚夢落九
江頻草入松根井磬通花外鄰重來知未倦閑
趣自相親

松柄

澗底分貞幹寧將塵尾同坐閑長滴翠話次忽
生風影落孤灯外聲寒靜室中有誰知此意林

下石叢

幽居即事

掃苔人跡外漸老喜深藏路僻閑行遠春晴晝
睡長餘花留暮蝶幽草恋殘陽盡日空林下孤
禪念石霜

送縱律師

病起辭吟社出京無舊房閑中行半月詩外祇
空囊白道公嵩直青蕪夾渭長勝遊多杜曲風
景似吾鄉

贈魏野

別業唯栽竹多閑亦好奇試泉尋寺遠買鶴到家
遲葉就全離母詩高祇教兒未能終住此共
有海山期

曉發山居

蓐食小人家寒燈碎落花雞鳴窗半曉路暗月
西斜世故欺懷抱風霜近歲華劇憐詩思苦悽
惻向長沙見瀛奎律髓十四卷

懷古九首

送田錫下第歸寧

念別孤親久無成萬里歸算程芳草盡去國故
人稀棧閣浮空險刀州八望微前期有公薦莫
愧老來衣

原居早秋

秋生深徑裏老病眼慵開戶外行人絕林間朔
吹回亂蛩鳴古壑殘日照荒台唯有他山約相
親八望來

聞蛩

幽蟲侵暮急，斷續苦相親。
夜魄沉荒壘，寒聲出壤鄰。
霜清空思切，秋永幾愁新。
徒感流年鬢，莖暗結銀。

寺居寄簡長

雪苑東山寺，山深少往還。
紅塵無夢想，白日自安閑。
杖履苔花上，香燈樹影間。
何須更飛錫，歸隱沃州山。

灞陵秋居酬友人見寄

灞陵秋負期，獨客自懷悲。
遠水去無極，愁人來幾時。
暝煙沉古道，寒日墮喬枝。
寄信遙天外，殷勤說白髭。

草

漠々更離々，閑吟笑復悲。
六朝爭戰處，千載寂寥時。
陣樹圍空壘，叢疎露斷碑。
不堪殘興外，牧笛隔煙吹。

贈萬年胡主簿

廉可繼懸魚，官清術有餘。
民田侵廢苑，公署似

閑居草長通囹圄花飛落簿書見君松操直經
考只如初

爛柯山二首

仙家輕歲月浮世重光陰白髮有先後青山無
古今局終柯已爛塵散海尤深若覓長生路煙
霞無處尋

王質爛柯事傳聞不在疑百年容易客一局等
閑基此着有誰見無言祇自知石橋南畔路依
舊日斜輝

九僧詩跋

歐公當日以九僧詩不傳為歎辰後公六百餘
年得宋本弃而讀之一幸也按之晁陳二氏皆
多詩二十餘首二幸也晁公武邵齊讀書志九
僧詩一卷一百十篇陳
直齋書錄解題一百七首今辰所得一百三
十四首皆晁多二十四首皆陳多二十七首
此本但有僧名而不著所產又從周輝清波雜
志各得其名三幸也又從瀛奎律髓得字昭曉
發山居一首并為增八但陳直齋所云景德初
直昭文館陳充序目之曰琢玉工以對姚合射

雕手者此本無之誠欠事也方虛谷謂司馬溫公得之以傳世則此書賴大賢而表章之豈非千古幸事哉雜志又誦序引崇到長安人遊曲江少草人未央深此亦無之且謂惠崇能西引荆公詩為據讀瀛奎律髓有宋景文公過惠崇舊居詩又讀楊仲弘集有題惠崇古木寒鴉詩並歐公詩話清波雜志二則附錄於左康熙壬辰三月望日隱湖毛辰斧季識

國朝浮圖以詩名於世者九人故時有集號

九僧詩今不復傳矣余少時聞人多稱其一曰惠崇餘八人者忘其名字也余亦略記其詩有云馬放降來地雕閑戰後雲又春生桂嶺外人在海門西其佳句多類此其集已亡今人多不知有所謂九僧者矣是可歎也見六一詩話

釋昔傳九僧詩劍南希畫金華保暹南越文兆天台行肇沃州簡長青城惟鳳江東宇昭峨嵋懷古淮南惠崇也九僧詩極不多景德

五年直史館陳充所著序引如崇到長安人
遊曲江少草入未央深之句皆不載以是疑
為節本崇非但能詩画亦有名世謂惠崇小
景者也画史紛々何足數惠崇晚出吾最許
荆公詩云爾見周輝清波雜誌第十一卷

雖昧平生契懷賢要可傷生涯與一薪畫法

共灯長遺画空瞻貌殘詩孰補止元注本院

稿數神期通一語無乃用津梁元注云予為

卷初涉已二紀矣○方虛谷云景文年四十四

去世郡壽陽惠崇舊居院在境內選此詩以

見惠崇之年死宋公年二十也。宋景文過惠崇舊居詩見瀛奎律髓第三卷

江上秋雲薄寒鴉散乱飛未明常競噪向晚復

争歸似怯霜威重仍嫌樹影稀老僧修止觀寫

物固精微楊仲弘題惠崇古木寒鴉見仲弘詩集第三卷

九僧詩全卷終